

Royal Greenland A/S-imi

CVR-NR. 13645183

MALITTARISASSAT

§ 1

- 1.1. Ingerlatseqatigiiffik Royal Greenland A/S-imi ateqarpoq.
- 1.2. Ingerlatseqatigiiffik Kommuneqarfik Sermersuumi najugaqarfeqarpoq.

§ 2

- 2.1. Suliffeqarfimmut kiisalu suliffeqarfimmut aningaasaliisumut matumani allassimasunut atatillugu siulersuisut nalilersuinerat naapertorlugit ingerlatseqatigiiffiup siunertaraa nammineq imaluunniit ingerlatseqatigiiffiit aqqutigalugit inuussutissalerinerup tungaatigut allatigullu aalisarnermik, tunisassiassanik suliarinninnermik tunisassianillu tuniniaanermik ingerlatsineq.

§ 3

- 3.1. Ingerlatseqatigiiffiup aktiatigut aningaasaatai 850.000.000 kr.-upput, taakkualu aktianut 1.000 kr.-nik nalilinnut agguarneqarput taassuminngalu amerlisarneqarlutik.
- 3.2. Aktiatigut aningaasat tamarmik akilerneqareerput.
- 3.3. Aktiat atilerneqassapput piginnittutullu allattorsimaffianut ingerlatseqatigiiffimmit najugaqarfittullu nalunaarsorneqarfiani nalunaarsorneqassallutik. Aktiat pappialaapput nalillit tunineqarsinnaanngitsut, tamannalu paatsuugassaanngitsumik takujuminartumillu nalunaarneqassapput.
- 3.4. Aktiat arlaannaalluunniit immikkut ittumik pisussaaffeqartitsinngillat. Aktiaatilik kinaluunniit ingerlatseqatigiiffik allaluunniit aqqutigalugu aktiaatini tamaasa ilaannaaluunniit aningaasannngortinnissaanut pisussaaffeqanngilaq.

- 3.5. Aktiat tammarsimasut pillugit inatsimmi maleruagassat qaqugukkulluunniit atuuttut naapertorlugit eqqartuussinikkut aalajangersarneqanngitsumik atuutsikkunnaarsinneqarsinnaapput.
- 3.6. Ukiumoortumik agguagarsiassat aktiaatilinnut piginnittutut allattorsimaffimmi najugaattut allaqqasumut ileqqusumik ataatsimeersuartoqatsiaannartoq nassiunneqassapput.

§ 4

- 4.1. Ataatsimeersuarnerit najugaqarfigisami ingerlanneqartassapput, ingerlatseqatigiiffimmi aktiaatillit tamarmik ataatsimeersuarnerit ingerlatseqatigiiffiup najugaqarfiata avataani ingerlanneqarnissaannut akuersisimappata najugaqarfiginngisami ataatsimeersuarnerit ingerlanneqarsinnaapput.
- 4.2. Ukiumoortumik nalunaarusiaq kukkunersiugaq akuerisarlu ukiumoortumik naatsorsuutit naammassineqarneranniit kingusinnerpaamik qaammatit sisamat sapaatillu-akunneri pingasut qaangiutsinnagit Erhvervsstyrelsenimut tunniunneqareertussanngorlugu ukiut tamaasa piffissaagallartillugu ileqqusumik ataatsimeersuartoqartassaaq.
- 4.3. Siulersuisunit, kukkunersiuisunit imaluunniit ataatsimeersuarnermi naleqqussorineqarpat immikkut ittumik ataatsimeersuartoqassaaq. Aktiaatillit aktiatigut aningaasaatit 5 %-ianik piginnittuusut aalajangersimasumik oqaluuserinittoqarnissaanik allakkatigut piumasaqarpata immikkut ittumik ataatsimeersuartoqarnissaanut sapaatit akunnerinik marlunnik sioqqutsilluni aggersaasoqassaaq.
- 4.4. Ataatsimeersuartoqassatillugu siulersuisut aktiaatilinnut piginnittutut allattorsimaffimmi najukkanut allassimasunut siusinnerpaamik sapaatit-akunnerinik sisamanik kingusinnerpaamillu sapaatit akunnerinik marlunnik sioqqutsillutik allakkatigut aggersaasassapput. Aggersaaneq qarasaasiatigut allakkatigut aktiaatillit qarasaasiatigut nassitsiffissatut nalunaarutigisimasaannut pisinnaavoq. Ataatsimeersuarnermi suut oqaluuserineqarnissaat nalunaarsimassapput malittarisassanillu allannguissamut siunnersuutit oqaluuserisassanngortinneqassappata siunnersuutit pingaarnertut imarisai allakkatigut ataatsimiigiaqqussummi ilanngullugit allassimassapput.
- 4.5. Ataatsimeersuartoqannginnerani oqaluuserisassat aamma siunnersuutit tamarmik aktiaatilinnut misissugassanngorlugit ingerlatseqatigiiffiup allaffiani kingusinnerpaamik sapaatit-akunneri marluk sioqqutsilluni saqqummiunneqassapput. Ataatsimeersuartoqarnissaanut atatillugu ukiumoortumik nalunaarusiaq kukkunersiuisunit atsiugaasoq aktiaatilinnut misissugassanngorlugu ingerlatseqatigiiffiup qullersaqarfiani saqqummiunneqassaaq.

ataatsimeersuartoqarnissaanullu kingusinnerpaamik ullut 30-t sioqqullugit aktiaatilittut allassimasunut tamanut nassiunneqassalluni.

- 4.6. Ataatsimiigiaqqusineq ingerlatseqatigiiffiup suliffeqarfissuullu sulisuinut nalunaarutigineqassaaq, tamatumani sulisut ingerlatseqatigiiffiit pillugit inatsit § 142, immikk. 2 naapertorlugu nalunaaruteqarsimappata.
- 4.7. Aktiaatilik kinaluunniit sammisamik aalajangersimasumik ataatsimeersuarnermi oqaluuserisassanngortitsinissaminut pisinnaatitaavoq, tamatumani sammineqarniartoq ataatsimeersuarnermi oqaluuserisassanut ilanngunneqarsinnaasunngorlugu oqaluuserisassatut piunasaqaatini pillugu siulersuisunut allakkatigut sioqqutsilluarluni saqqummiussimappagu. Piunasaqaat ataatsimeersuarnissaq kingusinnerpaamik sapaatit akunnerinik arfinilinnik sioqqutsilluni tunniunneqarsimappat aktiaatillip sammisamik ullormi oqaluuserisassanngortitsinissaq pisinnaatitaaffigaa.

§ 5

- 5.1. Ukiumoortumik nalunaarusiaq kukkunerisuisunit kukkunerisugaq ileqquusumik ataatsimeersuarnermi saqqummiunneqassaaq ataatsimiinnermilu makku ingerlanneqassapput:
 - a) Ingerlatseqatigiiffiup ingerlanneqarnera pillugu nalunaaruteqarneq
 - b) Ukiumoortumik nalunaarusiamik akuerisassanngorlugu saqqummiussineq
 - c) Ukiumoortumik nalunaarusiaq akuerineqartoq naapertorlugu sinneqartoortunik atuinissamut imaluunniit annasaqaatinik matussusiinissamut aalajangiineq
 - d) Ajunngitsorsiaqartitsinermut politikkimik akuersineq
 - e) Siulersuisuni ilaasortassanik qinersineq, tamatumani siulersuisuni siulittaasussamik qinersineq
 - f) Siulersuisuni siulittaasup siulersuisunilu ilaasortat allat akissarsiassaasa annertussusissaannik aalajangersaaneq
 - g) Kukkunerisuisumik toqqaaneq

§ 6

- 6.1. Ataatsimeersuarnermi isumaqatigiinniarnert aqutsisutut siulersuisunit toqqaasumit aqunneqassapput, apeqqutigineqartussallu sulianik ingerlatseriaatsinut, taasinernut taasinermilu angusanut tunngasut tamaasa aqutsisumit aamma aalajangerneqartassapput.

§ 7

- 7.1. Aktiaatilik kinaluunniit aktiaatilittut nalunaarsorneqarsimasoq ataatsimeersuarnermi peqataasinnaatitaavoq.
- 7.2. Aktiaatit 1.000 kr.-nik naleqartut tamarmik taasinermik ataatsimik naleqarput.
- 7.3. Siunnersuutit oqaluuserisassanut aatsaat ilanngunneqarsimappata ataatsimeersuarnermi aalajangiiffigineqarsinnaapput.
- 7.4. Ataatsimeersuarnermi oqaluuserineqartut taasinermi amerlanerussuteqarnikkut aalajangiiffigineqartarput, tamatumani ingerlatseqatigiiffiit pillugit inatsimmi sinniisoqarnermut aamma amerlanerussuteqarnermut tunngatillugu immikkut maleruagassaqaqqanngippat.
- 7.5. Ataatsimeersuarnermi oqaluuserineqartut ingerlatseqatigiiffiup isumaqatigiinniarnaq pillugu nalunaarutaanut nalunaarsorneqassaaq, taannalu ataatsimeersuarnermi aqutsisumit atsiorneqassaaq.

§ 8

- 8.1. Ingerlatseqatigiiffimmi siulersuisuini ilaasortat ataatsimeersuarnermi qinigaasut pingasuniit arfineq-marlunnut amerlassuseqarput.
- 8.2. Siulersuisuni ilaasortat ataatsimeersuarnermi qinigaasut ukiumik ataatsimik sivilissusilimmik ilaasortaasussanngorlugit qinerneqartarput.
- 8.3. Siulersuisuni ilaasortaq piffissaq ilaasortaaffigisassani suli naanngitsoq tunuarpat tamatumalu kingunerisaanik siulersuisuni ilaasortaq nutaaq qinerneqarpat siulersuisuni ilaasortanngortoq siulersuisuni ilaasortatut tunuartup piffissap ilaasortaaffigisassaraluata sinnerani ilaasortaassaaq.
- 8.4. Siulersuisuni ilaasortatut tunuarsimasut qinigaqqissinnaapput.
- 8.5. Siulersuisuni ilaasortat ataatsimeersuarnermi qinigaasut saniatigut ingerlatseqatigiiffiup sulisui siulersuisuni ilaasortassanik qinersinissaminut pinnaatitaapput, takuuk ingerlatseqatigiiffiit pillugit inatsimmi § 140 aamma 141..
- 8.6. Siulersuisuni ilaasortanit ukioq ataatsimik sivilissusilimmik siulittaasussamik ataatsimeersuarnermi qinersisoqartassaaq. Siulersuisuni siulittaasooq piffissaq siulittaasuuffigisassani suli naanngitsoq tunuarpat tamatumalu kingunerisaanik siulersuisuni siulittaasooq nutaaq qinerneqarpat siulersuisuni siulittaasunngortoq siulersuisuni siulittaasutut tunuartup piffissap siulittaasuuffigisassaraluata sinnerani siulittaasuussaaq. Siulersuisut akunnerminni siulittaasup tullianik qinersissapput, siulittaasullu tullia siulittaasup peqaqqannginnerani siulersuisut suleriaasissaattut

aalajangersakkami maleruagassatut aalajangersarneqartut naapertorlugit siulittaasuugallartassaaq. Ukiut tamaasa siulittaasup tullianik qinersisoqartassaaq. Siulittaasoq aamma siulittaasup tullia qinigaaqqissinnaapput.

- 8.7. Siulersuisuni ilaasortat ukiumoortumik akissarsiaqartinneqartarput, ukiumilu tulliuttumi akissarsiassaasa annertussusissaat ataatsimeersuarnermi aalajangersarneqartarput.
- 8.8. Inuit namminersortutut atorfeqartutulluunniit ingerlatsinerup tungaatigut attuumassuteqarnerat pissutigalugu ingerlatseqatigiiffimmut akerliusumik imaluunniit ingerlatseqatigiiffiup akiligaanik siulersuisuni ilaasortaanertik pissutigalugu nammineq iluaqutigisaminnik aningaasatigut iluanaaruteqarsinnaasorineqarpata siulersuisuni ilaasortassatut qinerneqaqqusaanngillat.
- 8.9 Siulersuisuni ilaasortat tamarmik inuussutissarsiornikkut suliffeqarfinni allani aqutsinikkut atuuffitik pillugit ataatsimeersuortoqarnerani qinersinissaq sioqqullugu ilisimatitsissuteqassapput, tamatumani immikkoortortatut ingerlatseqatigiiffiit 100 %imik piginneqataaffigineqartut pineqanngillat.

§ 9

- 9.1. Siulersuisut oqaluuserisaat taasinermi ataasiinnarmilluunniit amerlanerussuteqarnikkut aalajangiiffigineqartassapput. Amerlaqatigiinnik taasisoqarsimappat siulittaasup taasiner aalajangiisuussaaq. Tamatuma saniatigut siulersuisut suleriaasissaattut aalajangersakkami maleruagassat aalajangersakkat naapertorlugit sulianik ingerlatseriaasissartik aalajangissavaat.
- 9.2. Ataatsimeersuarnermi oqaluuserineqartut ingerlatseqatigiiffiup isumaqatigiinniarneq pillugu nalunaarutaanut nalunaarsorneqassapput, taannalu siulersuisuni ilaasortanit tamanit atsiorneqassaaq.
- 9.3. Siulersuisuni ilaasortat siulersuisuni ilaasortaanerminni ilisimalikkatik suugaluartulluunniit pillugit nipangiussisussaataapput, tamatumanili pissutsit tamanut saqqummiunneqarsinnaasutut siulersuisunit aalajangerneqartut imaluunniit inatsisit malillugit tamanut saqqummiunneqarsinnaasutut nalilerneqartut pineqanngillat.
- 9.4. Siulersuisut pisortaqatigiinnik ataatsimiit tallimanik amerlassusilinnik atorfinitsissapput.

§ 10

- 10.1. Siulersuisuni siulittaasup siulersuisuni ilaasortaq alla peqatigalugu, imaluunniit siulersuisuni siulittaasup pisortaq peqatigalugu, imaluunniit siulersuisuni siulittaasup tulliata pisortaq peqatigalugu ingerlatseqatigiiffik sinnerlugu atsiorsinnaatitaassaaq.

§ 11


- 11.1 Kukkunersiueq kukkunersiuisumit naalagaaffimmit akuerisaasumit ataatsimit imaluunniit marlunniit ingerlanneqartassaaq.
- 11.2 Tulliani ileqquusumik ataatsimeersuarnerup naanissaata tungaanut atuuttussamik ataatsimeersuarnermi kukkunersiuisumik/nik toqqaasoqassaaq.
- 11.3 Kukkunersiuisut ingerlatseqatigiiffimmi ileqquusumik ataatsimeersuortoqannginnerani aktiaatillit piimasaat naapertorlugu aktiaatillit kukkunersiuisullu ukiumoortumik ataatsimiinneranni peqataasassapput. Ataatsimiinnermi kukkunersiuisup/t nipangiussisimasussaataitanera/t ataqqillugu/it ingerlatseqatigiiffiup ukiumoortumik nalunaarusiaa eqqartorneqartassaaq, tamatumani aktiaatillit paasisatik malillugit ataatsimeersuarnermi aalajangiisinnaassammata.

§ 12

- 12.1. Ingerlatseqatigiiffiup ukiumoortumik naatsorsuutai januaarip aallaqqaataaniit decembarip 31-anut atuuffeqartarput, atuuffeqarnerat allanngortinneqarpoq 2015-imi oktobarip aallaqqaataaniit 2016-imi decembarip 31-anut atuuffeqareernerisa kingorna.

Tamanna pillugu immikkut ittumik ataatsimeersuarnermi 2023-imi septembari 14-ani akuerineqarput.

Aqutsisoq:



Advokat Thor Suhr